

2  
ETERIS ECCLESIAE RIGOR

IN ADMINISTRANDO

SACRAMENTO  
OENITENTIAE

Rigidiorum quorundam Scri-  
ptorum calumniis vindicatus

SERTATIO QUADRAGESIMALIS

H A B I T A

LERICIS SEMINARII ROMANI.

A U T H O R E

ALDASSARE FRANCOLINO

Societatis Jesu Theologo.

ET AB HISDEM DICATA

CLEMENTI XI.  
PONT. MAX.



AE, MDCCIV. Typis Cajetani Zenobii  
D. N. CLEMENTIS XI. Scalptoris,  
d Magnam Curiam Innocentianam.



PERIORUM PERMISSU.

*Sepp. Paul.*





**BEATISSIME PATER.**



**OSTRAS** hasce in Ve-  
teris Ecclesię Disci-  
plina investiganda elucubrationes ad Te  
**BEATISSIME PATER** præfidentiùs aditum  
affectare, si quis voluerit criminari,

A 2

osten-

ostendat Indigentibus Patrocinio Me-  
cœnatem meliorem . Te siquidem  
CLEMENS MAXIME , ut reliquis omnibus  
hominibus majorem , & ferè Superis  
parem fecit dignitas , sic homini cuilibet  
humanitas facit æqualem . Quis  
enim te Principem , & Principum Ma-  
ximum agnovit , nisi ex magnitudine  
Virtutum , & singulari de Orbe terra-  
rum universo benemerendi voluntate ?  
Soli , cui sublunarium omnium cura in-  
cumbit , plusquam similis , quia major ,  
nullâque unquam nube subductus pa-  
tere Te gaudes oculis omnium , &  
quantum æquitas aut suadet , aut pati-  
tur , omnibus communicari . Alios Tibi  
commendat dignitas , alios humilitas  
sua . Aliorum gratularis , ac faves for-  
tunæ , aliorum sublevas inopiam . Hunc  
Magnatum ad Te extulit virtutum ad-  
jutrix gratia , illi , ut curæ adscribere-  
tur Tuæ , pro merito fuit esse ab omni-  
bus derelictum . Quinimò qui ad id  
cala-

calamitatis redacti sunt, ad benevolentiam Tuam sinum viam ducuntur, ut ita dicam triumphali. In hanc quippe Indolem ipsa te peperit, ac formavit natura, Sapientia instituit, Pietas excoluit, ut triumphare Te maximè credas, cum aliorum miseriam beneficiis profligasti.

Verum communes hæ sint ad Te confugiendi causæ, nos peculiare impellunt. Pietati, & bonis artibus addicti ad supremum Morum, veræque Sapientiam Magistrum; publicæ utilitati servire cupientes ad publicæ felicitatis pervigilem custodem; Aris, ac Templis dicati ad summum in Terris Sacerdotem; Pontificia liberalitate enutriti ad Pontificem. Veteris disciplinæ veros Canones à fictis, falsisque segregare cupientes ad Ecclesiastici Juris Doctorem Maximum confugimus, tam de Presidio Tuo certi, quam de Virtutibus Tuis, quibus restituere satagis ve-

terem Disciplinam , non illam quidem  
Montanistarum , & Novatianorum , fe-  
ralem , ac Tyrannicam , qualem recen-  
tiores Scriptores non pauci , ut ni-  
mio suo Rigori patrocinium quærant ,  
per summam calumniam veteri Eccle-  
siæ tribuunt , sed Catholicam , nempè  
Tuam , ex severitate , quam retines , &  
benignitate quam adamas , sapientissi-  
me temperatam . Accipe igitur Parens  
Optime ( cætera enim nomina honori  
dari possunt , hoc unum Populorum  
omnium erga te , Tuique erga omnes  
Populos amor ) accipe , inquam , no-  
stros hosce in Veteris Ecclesiæ severi-  
tate à Calumniis vindicanda quales-  
cumque labores , munus omnium , quæ  
accipere possis , minimum , sed om-  
nium quoque , quæ nos dare possumus ,  
maximum : nec aliud petimus , quàm ,  
ne quod offerimus dedigneris , nobis-  
que fortasse nimis audacibus indigneris .

*Imprimatur,*

Si videbitur Reverendiss. P. Mag. Sac.  
Pal. Apost.

*Dominicus de Zaulis Episcopus  
Verulanus Vicesgerens.*



*Imprimatur,*

Fr. Joannes Baptista Carus Reverendis-  
simi P. Sac. Apost. Pal. Mag. Socius  
Ordinis Prædicatorum.

Handwritten text, likely a list or index, consisting of several lines of cursive script. The text is mostly illegible due to extreme fading and significant noise/artifacts across the page.





# PRÆFATIO

HABITA

A JOANNE MONTIO

SENOGALLIENSI

CLERICO CONVICTORE.



*Resentis nostræ Dis-*  
*fertationis argumen-*  
*tum illud est, quod li-*  
*bellus in fine disputa-*  
*tionis distribuendus in*  
*fronte Lectoribus ex-*  
*hibet, nempe VETE-*

RIS ECCLESIAE RIGOR IN AD-  
MI-

2  
MINISTRANDO SACRAMENTO  
POENITENTIÆ, A CALUMNIIS  
VINDICATUS. *Video stupere vos,  
Auditores ornatissimi. Quæ enim sunt  
istæ in veteris Ecclesiæ rigidam discipli-  
nam Calumnia, cum eam laudent potius  
omnes, celebrentque? Præsentis potius  
Ecclesiæ benignitatem nonnulli dam-  
nant, & fortasse calumniantur. Hæc  
igitur potius propugnanda, quàm illa.  
Non repugno, sed assero, in præsentis  
Ecclesiæ defensionem cessuram propugna-  
tionem severitatis antiquæ, quam ali-  
qui, dum nimium exaggerant, veterem  
Ecclesiam ex rigida, crudelem faciunt,  
& præsentem exhibent ex bene tempe-  
rata nimium benignam. Detrahendum  
igitur erit ex veritate additamentum  
mendacii, ex rigore crudelitas: ea detra-  
cta, velut everso fundamento totus Ri-  
gorismus corruet; erit in tuto præsens  
benignitas, palamque fiet, præsentem  
Ecclesiam esse fortasse non penitus simi-  
lem*

lem veteri in disciplina, non autem contrariam. Habetis jam, quæ sint istæ, quas disjicere meditamur, confictæ in veterem Ecclesiam Calumniæ. Sunt rigidissimi quidam Canones Pœnitentiales ei falsò ab aliquibus attributi, ut major inde in præsentem Ecclesiam invidia redundet. Enumerabo præcipuos. Dicunt, Ecclesiam veterem non solum consuevisse deponere Clericos in quædam Crimina lapsos, sed ipsis pœnitentiam, & veniam penitus negasse. *Æ prima Calumniæ. Secunda est*, Quibusdam criminibus, nempe Apostasiæ, Adulterio, & Homicidio, nunquam fuisse per aliquot sæcula datam veniam, & absolutionem. *Tertia est*, his, qui studiosè distulerant ad extremum vitæ pœnitentiam, negatam penitus absolutionem fuisse, quamvis eam precibus, & lacrimis, cum moriebantur, exposcerent. *Quarta*, Reis damnatis ad mortem, negatam fuisse copiam Confessionis.

fessarii, coactosque mori sine ullo Sacramento. *Quinta*, Eos qui post actam semel Poenitentiam, relapsi erant, non fuisse amplius per totam vitam, imò nec in morte absolutos. *Sexta*, Jussos fuisse poenitentes sua occulta peccata publicè confiteri. *Septima*, Saltem jussos fuisse publicam pro peccatis occultis, poenitentiam facere. *Octava*, Non solum pro gravioribus, sed ferè pro omnibus lethalibus culpis impostam fuisse publicam poenitentiam. *Nonna*, Solemnem Poenitentiam traductam fuisse frequentèr per viginti, & amplius annos. *Decima*, Renuentes fuisse per vim ad publicam, & severissimam poenitentiam adactos. *Undecima*, absolutionem nonnisi post impletam, quamvis multorum annorum poenitentiam esse concessam. *Duodecima*, Confessariis permissum, aut etiam injunctum, ut Poenitentium peccata, ad eos in officio continendos, revelarent.

*Hæc*

*Hæc aliaque hujusmodi severitatis portenta à Scriptoribus horum temporum, non paucis, tanquam veteris disciplinæ præconia traduntur. Nos verò puras esse calumnias demonstrabimus. Ne verò quis credat ità nos velle falsum de veteri Ecclesia rigorem arcere, ut verum etiam negare velimus, antequàm prædictas calumnias propulsemus, exhibere vobis constituimus totam veteris Pœnitentiæ lugubrem pompam; nempe dare vobis spectaculum tempori, quod auspiciati jam sumus, Quadragenariæ Pœnitentiæ consentaneum. Hoc enim tempore Fideles olim, ad publicam suorum criminum expiationem invitabantur. Hinc veterum Pœnitentialium librorum, illud exordium est. Suscipias Pœnitentem quarta feria mane in Capite jejuniæ, & cooperies eum cilicio, & cinerem prius mittes &c. Cujus antiquissimi moris vestigium cinis ille est, quem fidelium summo vertici Sacerdos*

sacerdos crucem digito imprimens, super-  
fundit ea die, quæ pro-  
pterea dies Cine-  
rum appel-  
latur.







VETERIS  
POENITENTIAE  
DESCRIPTIO.



A fuit veteris Ecclesiæ  
praxis, ut culpæ mi-  
nores secretâ expiaren-  
tur pœnitentia, mayo-  
res verò, & publicæ  
publicâ. Hæc autem  
duplex erat. Alia pu-  
blica non solemnîs,  
quæ tota, aut publica  
accusatione delicti, aut publica aliqua hu-  
miliatione sine solemnibus quibusdam mul-  
tisque cœremoniis, & sine Pœnitentis diu-  
turna probatione agebatur. Altera solem-  
nis,

accusatione delicti, aut publica aliqua hu-  
miliatione sine solemnibus quibusdam mul-  
tisque cœremoniis, & sine Pœnitentis diu-  
turna probatione agebatur. Altera solem-  
nis,

nis, quæ in quatuor gradus, seu stationes erat distributa, nempe Fletum, Auditionem, Substrationem, & Consistentiam; quamvis aliquando, ex Pontificum indulgentia, aliqua ex ipsis omitteretur, aut valde, nempe ad paucos dies contraheretur. In has Stationes poenitentiam solemnem dividit in sua Epistola Canonica Gregorius Thaumaturgus, Basilius in sua ad Amphilochium, Gregorius Nyssenus in sua ad Letojum, Felix Papa epist. 7. Quin & Concilium Nicænum Can. 11. aliaque multa Concilia provincialia.

Igitur cum quis enormi aliquo delicto, ingenti scandalo fuerat, aut perturbationi, monebatur, ne ad Ecclesiam accederet, accedens, & non parens, expellebatur, ut Theodosius Imperator post necem Thessalonica contra fidem Episcopis datam, & cum insigni crudelitate patratam, monitus ab Ambrosio per Epistolam, quam recitat Baron. ad ann. 390., & tamen ausus accedere, fuit ab eodem expulsus. Ejectus ab Ecclesia reus, si eum facti poenitebat, & reconciliari cupiebat, cum fideles ad Templum primum conveniebant, ipse consist-



9  
stebat in vestibulo, vel in porticu, vel sub  
dio, si peccatum gravissimum erat, ac tur-  
pissimum, ibique sacco indutus, facie squal-  
lida, cinere coopertus admitti ad pœniten-  
tiam postulabat, seque ad pedes Fidelium,  
introeuntium prosternens, ut pro se apud  
Episcopum deprecatores essent, rogabat.  
Admissus ad pœnitentiam, jussusque illic  
per aliquot menses, aut annos, in fletu,  
sacco, & cinere permanere, intra Ecclesiam,  
ea lege admittebatur, ut in postrema ejus  
parte consisteret cum Catechumenis audien-  
tibus, qui nempè ad Ecclesiam veniebant,  
ut fidei doctrinam audirent. Inde hæc se-  
cunda statio dicta *Auditionis*. His Cate-  
chumenis immixtus Pœnitens, aut vici-  
nus, iterùm ad veram Fidem, & mores chri-  
stiano homine dignos erudiebatur. Ab hac  
secunda Statione Auditionis, si veri signa  
doloris præbebat, post aliquot aut annos,  
aut menses, aut dies pro mensura delicti,  
& contritionis, vocabatur ad tertiam *Pro-*  
*strationis* paulò superiorem, ad eam videli-  
cet Templi partem, quam Catechumeni  
competentes occupabant, ij nempè, qui  
jam instructi in fide, credentesque Baptis-


B

muin

mum petebant . Ut autem ij Catechumeni  
 prostrati ad pedes Episcopi initiabantur,  
 curabanturque variis ceremoniis , ut habe-  
 tur ex Concilio primo Constantinopolitano  
 Can. 7. , & ex Augustino, qui de Symbolo  
 ad Catechumenos eas ceremonias describit ,  
 dicens : *Omnia Sacramenta , quæ acta sunt ,*  
*& aguntur in vobis per ministerium Servorum*  
*Dei , exorcismis , orationibus , canticis spiri-*  
*tualibus , insufflationibus , cilitio , inclinatione*  
*cervicum , humilitate pedum , hæc omnia , ut*  
*dixi , esca sunt , quæ vos reficiunt in utero , ut*  
*renatos ex Baptismo bilares vos Mater Eccle-*  
*sia exhibeat Christo ;* ita in hac Statione ite-  
 rum initiabantur Pœnitentes precibus , im-  
 positione manuum , benedictionibus , aliis-  
 que hujusmodi ritibus animæ repurgandæ  
 accommodatis . Utque utrique Catechu-  
 meni , Audientes , & Competentes , expleta  
 lectione scripturarum ejiciebantur ab Eccle-  
 sia , nec adesse Eucharisticis precibus , & Sa-  
 crificio permittebantur , ita utrique Pœni-  
 tentes , tam Audientes , quam Substrati ex-  
 pellebantur . Ab hac tertia Statione post  
 longum , vel breve tempus , pro merito  
 Pœnitentis , venia dabatur transeundi ad  
 quar-

quartam Stationem *Consistentiæ*, in qua  
 Pœnitens intra Templi ambonem, & non  
 longè ab Altaris cancellis, cum Fidelibus  
 etiam tempore Sacrificiî consistebat, licèt  
 offerre nondum posset, nec de Altaris Sa-  
 cramento participare. Expleto tandem in  
 hac Statione totius Pœnitentiæ curriculo  
 per multas ceremonias in Ritualibus eorum  
 temporum libris latè descriptas ad perfectio-  
 nis gratiam ( ut loquebantur ) perveniebat,  
 idest ad plenam reconciliationem, Sacra-  
 que Eucharistiæ Communionem, qua re-  
 fectus, reliquis fidelibus, per omnia jun-  
 gebatur, cum onere tamen servandi in per-  
 petuum, aut per aliquot annos leges simil-  
 limas iis, quibus Religiosi in Monasteriis  
 obstringebantur. Et quidem hunc Ordinem  
 Pœnitentium simillimum fuisse Ordini

Religiosorum, unius cum al-  
 tero comparatione  
 ostendam.





# POENITENTIUM CUM RELIGIOSIS COMPARATIO.



T minora omittam, præcipua similitudinis capita ad quinque rediguntur. Primò igitur, ut ad Religionem non omnibus patet aditus, ita nec patebat ad publicam, & solemnem Pœnitentiam, quamvis alioqui propter admissa graviora quædam scelera debitam. Aliqui igitur rejiciebantur, quia incapaces, ut Clerici, nam ex Syricii Epistola 1. *Pœnitentiam agere cuicumque non conceditur Clerico.*

*corum*. Aliqui quia juncti matrimonio : hi enim , nisi alter Conjux consentiret, excludabantur à Pœnitentia , ex Can. 21. Concilii 1. Arelatensis . Aliqui tandem, quia ætatis non satis maturæ; Sancitum quippè fuerat in Romano Concilio , sub Silvestro , *ne quis det pœnitentiam , nisi quadraginta annorum petenti* . In Agatenſi paritèr Can. 5. sic decernitur , *Juvenibus , pœnitentia non facile committenda est propter ætatis fragilitatem , & in Aurelianensi 3. Can. 19. ne quis benedictionem Pœnitentiæ Juvenibus personis credere præſumat* .

2. Ut admiſſi ad Religionem , ità admiſſi ad Pœnitentiam tondebantur , & vestem mutabant . *Pœnitentes* (inquiunt Agatenſis Concilii Patres ) *tempore , quo pœnitentiam petunt , impositionem manuum , & cilicium super caput à Sacerdote , sicut ubique constitutum est , consequantur* . Si autem comas non deposuerint, aut vestimenta non mutaverint , abjiciantur, & nisi dignè pœnituerint, non recipiantur . Similiter Concilii tertii Tolletani Patres Can. 13. *Quicumque* (inquiunt) *ab Episcopo sanus , vel infirmus Pœnitentiam postulat , id antè omnia Episcopus servet , &*

*Presbyter , ut si vir est , sive sanus , sive infirmus , prius cum tondeat , & in cinere , & in cilicio habitum mutare faciat , & sic pœnitentiam ei tradat . Si verò Mulier fuerit , non accipiat pœnitentiam , nisi prius velata fuerit , aut mutaverit habitum .*

3. Ut Religiosi , ità Pœnitentes , continentiam profitebantur . Qui proinde ex conjugis consensu Pœnitentium Ordinem erat ingressus , aliam , ea mortua , ducere prohibebatur Can. 21. Arelatensis Concilii 2. quò sic statuitur . *Pœnitentes , quæ defuncto Viro aliis nubere præsumpserint , vel suspecta , vel interdicta familiaritate se cum extraneo junxerint , cum eodem , ab Ecclesiæ liminibus arceantur . Hoc etiam de Viro in Pœnitentia posito placuit observari .*

4. Ut Religiosi , ità Pœnitentes abstinere jubebantur à Militia , negotiatione , spectaculis , conviviis , aliisque hujusmodi , aut peccandi periculis , aut oblectamentis , ut constat ex illa Ambrosii increpatione lib. 2. de Pœnit. cap. 10. *An quisquam ( inquit S. Doctor ) illam pœnitentiam putat , ubi acquirendæ ambitio dignitatis , ubi vini effusio , ubi ipsius copulæ conjugalis usus ? Renunciandum*



*dum sæculo est, somno ipsi minus indulgendum, quam natura postulat; Interpellandus est gemitibus &c. Hinc illa suam impœnitentiam, excusare volentis interrogatio apud Aug. serm. 58. de temp. Ego in militia positus sum, Uxorera habeo, & ided pœnitentiam agere quomodo possum? Eaque Leonis Papæ responsio ad Rusticum Narbonensem: Contrarium est omnino Ecclesiasticis Regulis post Pœnitentiæ actionem, redire ad Militiam sæcularem. Vel ipsum vehiculi usum cuidam Pœniten- ti interdixit Nicolaus I. in Epist. ad Frontarium Episcopum Burdegalensem, quem aliis quoque interdicti solitum, constat ex Conc. Triburiensi.*

5. Demum uti Religiosis, ita Pœnitentibus resilire non licebat, quare utrique, si resilirent pari pœna subinde castigabantur, ut constat ex Concilio Andegavensi, Aurelianensi 3., & præsertim Toletano 4., in quo Hispani, Gallique Patres sic decernunt, *Quicumque ex sæcularibus accipientes Pœnitentiam, totonderunt se, & rursus prævaricantes laici effecti sunt, comprehensi ab Episcopo suo ad pœnitentiam ex qua recesserunt, revocentur. Quod si aliqui admoniti per pœni-*

*sententiam irrevocabiles sunt, nec admoniti revertuntur, ut veri Apostatae coram Ecclesia Anathematis sententia condemnentur: non aliter & hi, qui à Parentibus detonsi fuerunt, aut spontè, sed àmissis Parentibus, seipsos Religioni devoverunt, & postea habitum sæcularem sumpserunt &c.*

Hæc præfari de veteris Pœnitentiæ praxi necesse fuit, ne veram, ut diximus, vetustæ Ecclesiæ severitatem dissimulare videremur, utque eam secernere possimus à falso rigore, quem ei rigidi quidam Doctores, cum quibus agenda modò nobis res est, per calumniam attribuunt. Ut autem nostra hæc dissertatio attentiores vos habeat, eam in modum concertationis instituimus.

Pugnabit igitur Doctor rigidior, cum

Doctore discreto, quosque ille rigidissimos Canones Ecclesiæ veteri tribuet, falsos hic esse, & verè affectitios ostendet.



PRI-





PRIMUM CERTAMEN INSTITUENT  
CLERICUS DOMINICUS LUPI

ABBATIS SUBLAC.

CLER. FRANCISCUS DE MARCHIS  
ROMANVS.

## CALUMNIA PRIMA.

*Clericis præsertim maioribus in quædam  
scelera prolapsis vetus Ecclesia  
veniam negavit.*

D. R. I.



Anc nego esse Calum-  
niam, constat enim,  
Ecclesiam veterem  
non permisisse Cleri-  
ricis, ut Pæniten-

tiam obirent, nec ut eis manus impone-  
rentur, qua ceremonia tunc temporis Pæ-  
nitens

nitens absolvebatur : Afferam indubitatas quatuor Pontificum sententias nempe Siricii, Joannis Secundi, S. Leonis Primi, & Zacchariæ. Incipiam à Leone, cujus illustrior fama Sanctitatis, & doctrinæ. Is ep, 2. novæ edit. ad Rusticum Narbonensem Episcopum, *Alienum est ( inquit ) à consuetudine Ecclesiastica, ut qui in Presbyterali honore, aut in Diaconii gradu fuerint consecrati, pro crimine aliquo suo, per manus impositionem, remedium accipiant pœnitendi, quod sine dubio ex Apostolica traditione descendit, secundum quod scriptum est, Sacerdos si peccaverit, quis orabit pro illo ? Undè hujusmodi lapsis ad promerendam misericordiam Dei privata est expetenda secessio, ubi illis satisfactio, si fuerit condigna, sit etiam fructuosa. Fructuosa quidem apud Deum, non autem apud Ecclesiam. Ecclesiasticæ enim absolutionis, quæ illis tandem daretur, nihil hîc meminit Leo, ut aliàs debuisset.*

2. Nec facit, quod de Sacerdotibus tantum, Diaconisque videatur loqui Leo. Horum quippè meminit, utpotè quos potiori jure vetus disciplina castigat. Hinc antè Leonem, omnes Clericos eâ censurâ comprehen-

prehendi debere, monuit Siricius Papa ep. i. *Illud quoque nos par fuit providere, ut sicut pœnitentiam agere cuiquam non conceditur Clericorum, ità & post pœnitentiam, & reconciliationem, nulli unquam Laico liceat honorem Clericatus adipisci. Quia quavis sint omnium peccatorum contagione mundati, nulla gerendorum Sacramentorum instrumenta suscipere debent, qui dudum fuerint vasa vitiorum.* Joannes autem Secundus, in ep. ad Cæsarium Arelatensem Episcopum, mandat, ut Regiensis Episcopus, nomine *Contumeliosus*, ob sua crimina deponatur, totaque reliquâ vitâ Monasterio inclusus, veniam à Deo exposcat, quia videlicet ab Ecclesia eam sperare non poterat. Demùm Zacharias in Responsis ad Pipinum, reconciliari Presbyteros *per manus impositionem* vetat; ergo omnem eis spem obtinendæ reconciliationis abscindit. Frustra igitur tibi, reliquisque Clericis contubernalibus tuis fortasse majora peccantibus, & minùs pœnitentibus spem obtinendæ absolutionis facis.

DD. 3. Hoc pro tua in nos benignitate, dictum interpretamur, Igitur severissimam  
hanc

hanc pœnam indictam Clericis nunquam fuisse fatentur omnes qui Canones non sciunt solum memoriter, sed intelligunt, eosque non ex indole sua, sed ex Doctorum sensu, & ex ipsa ratione interpretantur. Suevit quidem Ecclesia in delictis maioribus eos deponere, nempè de gradu deiicere, sed interim ad Laicalem saltem communionem eos admisit, ut innumeri Canones ostendunt. Admissi verò ad Communionem, sine dubio absolvebantur. Dum ergo eis Siricius, Leo, aliisque Pontifices Synodique Pœnitentiam interdiciunt, de publica, solemnique, quam supra descripsimus, loquuntur, nempè de ea, quam Laici facere jubebantur, *humillimamque* vocat Augustinus ep. 54. quamque ex Tertulliano lib. de pœnit. cap. 9. multi averfabantur, *quod inlotos, quod sordulentos, quod extrà letitiam oportet deversari in asperitate sacci, & horrore cineris, & oris de jejunio, vanitate.* Si quidem non satis decere putavit Ecclesia vetus, ut qui sacris Altaribus ministrare, auro gemmisque ornati consueverant, aspicerentur à populo præ foribus Ecclesiæ ad terram dejecti, suisque lacrymis in sacco, & cinere

cinere sordidati; quique, ut innuit Leo, pro Pœnitentibus Laicis orare consueverant, Pœnitentes ipsi Laicorum preces exposcerent. Voluit eos agere pœnitentiam, sed decoram, nec ità se demittere, ut prostituerent dignitatem. Eos propterea consuevit, si gravissimè deliquissent in Monasterium, aut similem alium locum detrudere, multoque jejuniis, aliisque hujusmodi remediis purgatos per secretam manuum impositionem absolvere, ut innuit Leo citatus, & constat ex Concilio Agathensis Can. 50. *Si Episcopus, Presbyter, aut Diaconus capitale crimen commiserit, aut Chartam falsaverint, aut Testimonium falsum dixerit, ab officii honore depositus in Monasterium retrudatur, & ibi quandiu vixerit, laicam tantummodo communionem accipiat. Quod ipsum ferè ad verbum statuit Concilium Epau-nense can. 22. S. Augustinus lib. 1. de Bapt. contra Donatistas, monet non consuevisse Ecclesiam Ordinatis ad Ecclesiam redeuntibus, manus imponere inter Laicos, innuens impositas quidem eis manus fuisse, sed procul à Laicis, & in loco secreto. Similiter Isidorus lib. 2. de Ecclesiasticis Officiis cap. 6.*  
agens

agens de Clericorum, Laicorumque diversa pœnitentia. *A Sacerdotibus, & Levitis* (inquit) *Deo tantum teste fit Pœnitentia, à cæteris vero adstante coram Deo solem niter Sacerdote.*

Ex his satis constat, non omnem fuisse veniam Clericis delinquentibus ab Ecclesia veteri denegatam; sed eam solam, quæ ritu solemni post exactam publicè per suos gradus Pœnitentiam, concedabatur. Quin hanc ipsam fuisse non semel indultam post publicam Pœnitentiam, pluribus exemplis ostendit Morinus de pœnit. lib. 4. cap. 14.

D. R. Sed quæ Monachos, Monachasque censura punivit, si forte è suo proposito resiliirent. His certè videtur aliquando spes veniæ penitus adempta.

DD. 4. Resp. Monachos olim, cum videlicet, nec Ecclesiasticis essent Ordinibus initiati, nec simul in Monasteriis sub Rectore suo viverent, aut non eo vinculo, quo postmodum fuere constrikti, si fortè essent in graviora prolapsi, ad publicam cum Laicis Pœnitentiam peragendam fuisse damnatos. Sic enim Leo ep. 92. ad Rusticum, Narbonensem cap. 12. *Propositum Monachi proprio*

proprio arbitrio, aut voluntate susceptum desereri non potest absque peccato &c. Undè qui relicta singularitatis professione ad militiam, vel ad nuptias devolutus est, publicæ Pœnitentiæ satisfactione purgandus est. Gelasius quoque Primus ep. 9. sive prima decretali cap. 22. loquens de Virginibus post professionem nubentibus, jubet eas à Sacra Communione detrudi, & nisi per publicam, probatamque Pœnitentiam, omnino non recipi. Pœnitentiæ non solum publicæ, sed solemnissimæ, quæ gradibus, sed stationibus in præfatione descriptis, constabat, Monachos quosdam, iterum ab Hæreticis baptizatos, addicit Felix Tertius Ep. 3. Si eos, inquit, ex corde pœniteat, tribus annis inter Audientes sint; septem autem annis subjaceant inter Pœnitentes manibus Sacerdotum, duobus autem annis oblationes modis omnibus non sinantur offerre, sed tantummodo Sæcularibus in oratione socientur. Cum verò Monachi suo sub Abbate vivere cœperunt, ei penitus subjecti, ab eodem fuere, si fortè deliquissent, secreti Carceris pœna castigati, ut ex Conciliis infra citandis palam fiet. Carcer autem erat aliquando intrà Monasterium, ut constat ex Concilio Tarra-

Tarraconensi cap. i. sic decernente . *Si Religiosus , vel Monachus sit in Cella Monasterii reclusus , Pœnitentiæ lamentis incambat , ubi singulari afflictione panis , & aquæ victum ab Abbatis ordinatione percipiat . Aliquando verò erat extrà Monasterium , quamvis brevi intervallo diffitus . Ad hunc amandat Siricius Papa, Monachos Monachasque post professionem Matrimonio copulatos , in hunc modum contrà eos pronuncians : *Has ergo impudicas , detestabilesque personas à Monasteriorum Cetu, Ecclesiarumque Conventibus eliminandas esse mandamus , quatenùs retrusæ in suis ergastulis , tantum facimus continuà lamentatione deslentes , purificatorio possint pœnitudinis igne decoquere ; ut eis vel ad mortem saltem , solius misericordiæ intuitu , per Communionis gratiam , possit indulgentia subvenire .**

5. Ex his carceribus unus isque celeberrimus erat ille quem Climacus describit . Erat enim à Monasterio aliquanto diffitus , apprimè horridus , & puniendis Monachis è sua professione excidentibus destinatus . Sic enim habet in sua Scala Paradisi gradu quarto , *Locus erat ab ipso Monasterio uno dum-*



*dumtaxat lapide, seu milliare sejunctus, carcer dictus, illatibilis prorsus, & omnibus corporis gaudiis destitutus. Nullus ibi unquam culinae fumus cernebatur, non vinum, non oleum in cibum adhibebatur, non aliud quidquam è foco præter panem, & minuta oluscula in mensam inferebatur. In hoc eos qui post Religiosam professionem in peccatum prolapsi erant, ita Abbas concludebat, ut pedem efferre nunquam possent. Nec plures simul jungebat, sed singulos seorsim, aut, ut plurimum binos. His præerat vir quidam eximius, cui Isaacus nomen, qui ab sibi commissis precum assiduarum pensum exigebat, & propè nunquam à votis cessare permittebat. Et gradu 5. de eodem Carcere sic; Qualis autem erat illius loci aspectus? tota domus obscura, & tenebricosa, tota olens, & fœtens, tota sordida, & squallida. Carcer enim & damnatorum ergastulum, non immeritò appellata est.*

**D.R. 6.** Damnatorum profectò carcer ille erat, ut benè Climacus à te citatus eum appellat; Qui enim ad hunc carcerem, damnabantur, absolvebantur nunquam. Certè Climacus, qui non solùm locum, quem per integrum mensem, quo ibi con-

C

stitit

stitit, suis oculis perlustravit, sed omnia Pœnitentium ibi detentorum exercitia, corporis incredibiles afflictationes, ipsaque eorum suspiria, clamores, & ejulatus sigillatim describit, ne verbum quidem habet, unde veniam tandem, & absolutionem eis concessam fuisse conjectare possimus. Imò semper abnegatam eis fuisse, satis innuit, dum usque ad mortem eos ibi fuisse detentos, memorat. Non igitur absolvebantur in vita, sic enim de carcere fuissent antea educti, cum absolutis eo tempore pœna omnis remitteretur. Nec absolvebantur in morte, quam Climacus describens, nunquam meminit Sacramentorum, quibus rescicerentur, additque eos, cum morerentur, solitos fuisse jactari ingenti timore salutis suæ, quam non adèd incertam habuissent, si post horribilem illam suorum corporum carnificinam, veniam tandem à Sacerdote obtinuissent.

DD.7. Resp. primò, carcerem descriptum à Climaco, non esse ipsam Ecclesiam, quamvis ergo ea fuisset in eo servata praxis, ut Monachis propter gravissima scelera ibi detentis, nec in morte daretur venia, non  
indè

indè sequeretur , hanc fuisse illis temporibus Ecclesiæ praxim . Et quidem non omnia , quæ ejus loci Præses agebat , probari fortasse poterunt , ut , quod exposcentibus prædictis Pœnitentibus , ex odio sui , & humilitate , ut cùm morerentur , sua cadavera , insepulta proiicerentur , feris devoranda , fecerit id aliquando idem loci Præfectus , etiam cum iis , qui sanctissimè mortui fuerant , ut eorum humilitati obsecundaret . Sic enim , habet eodem gradu 5. *Quando quis ex illis se in valetudinario depositum videbat , Præsidem illum eximium per jusjurandum rogabat , nè se communi hominum sepultura dignaretur , sed more pecudum , vel in flumen abiiceret , vel feris in agro devorandum exponeret . Quod horum Antistes prudentiæ lumine precibus illorum obsecutus , sæpè numero fecit , jussitque omni exequiarum , & precum funebrium honore privatos foras proiici . Quod quidem non videtur satis rationi consentaneum fuisse .*

8 Respondeo secundò , improbable , prorsus esse , quod prædictis Pœnitentibus fuerit semper venia denegata , cum inter ipsos aliqui essent , qui non admodum gra-

vitè peccarant , aut spontè in eum se locum sanctæ illius asperitatis amore coniecerant , quod utrumque idem Climacus testatur . Sicenim habet gradu 4. *Unus aliquis è fratribus olim à Præside ejectus erat è Cænobio , quod alterum apud ipsam , ut nugacem , & loquacem criminatus esset . Expulsus autem in vestibulo portæ totos septem dies substitit , assidue aditum rursus ad Cænobium , & delicti veniam præcatus , quod ubi amans salutis animarum Præses cognovit , simulque intellexit , illum per sex dies illos nihil omninò gustasse , curavit illi significari , si omninò ad contubernium fratrum admitti vellet , ad Pœnitentium Classẽ transfiret : quam conditionem cum is , quem facti ex animo pœnitebat , obviis manibus amplexus esset , jussit eum Abbas ad locum separatum deduci , ubi morabantur ij , qui peccata sua plangebant , quod & factum est .* Gradu autem quinto refert , quendam Monachum , vitæ cæteroqui sanctissimæ , sed spiritus nimis ardentis , & fortè de se præsumentis , à dæmone tandem in quadam lucta prostratum surrexisse statim , & Abbati lapsum suum spontè prodidisse ; cumque Abbas ordinariam , nec valdè gravem pœnitentiam

ei

ei vellet imponere, rogasse enixè, ut se prædicti carceris Pœnitentibus aggregaret, aggregatumque post octo dies, doloris vi, quem de suis culpis conceperat, ac divini amoris estu feliciter obiisse. Quis, rogo, credat, hujusmodi Pœnitentes fuisse toto vitæ suæ tempore inque ipsa morte, absolutionis dono fraudatos? Adde quod, ut omnes eruditi norunt, iis, quibus in veteri Ecclesiâ veniâ penitus negata fuit (quod fortassè aliqui Episcopi rigidiores fecerunt) Pœnitentiam quoque negare mos fuit, nempe facultatem aggregandi se reliquis Pœnitentibus. Ut enim inter Catechumenos non admittebantur, nisi qui essent aliquando baptizandi, ita nec Pœnitentibus aggregabantur, nisi qui tandem essent reconciliandi. Ergo cum prædictis Monachis, qui deliquerant, non permitteretur solum, sed imponeretur ea illius Carceris gravissima pœnitentia, iidem tandem à loci Præsidente, vel à Monasterii Abbate reconciliabantur, nisi fortassè antequam eo asportarentur, absolvebantur, quod etiam probabile est. Hinc idem Climacus, loquens de prædicto Monacho, qui post octiduum Pœnitentiæ, ex

magna contritione decessit, refert cuidam Sancto Viro revelatum cœlitus fuisse, Deum pœnitenți peccata remisisse, cum jaceret sui Abbatis pedibus provolutus, quod non leve argumentum est, ab eodem Abbate prius absolutum fuisse, quàm ad pœnitentialem illum Carcerem asportaretur, eundemque morem cum reliquis, qui eò mittebantur, fuisse custoditum. Nec facit quod tanto cum timore damnationis æternæ morentur. Cum enim incerti simus, an veniam quam præbet Sacerdos, ratam habeat Deus, eos in nobis obiices prospiciens, quos nec Sacerdos, nec ipsi prospicimus, sollicitos semper, & pavidos habere nos debet tantæ rei incertitudo, tantumque discrimen, habetque, cum nostrorum criminum gravitatem seriò, ac diù expendimus, ut prædicti Pœnitentes expendebant, quorum ante oculos commissi Sacrilegii, violatæque professionis facies fœdissima semper obversabatur. Quare quavis tam longam, & gravem de se pœnam sumpsissent, arbitrabantur tamen se veniam Divina prorsus indignos, soloque dignos supplicio sempiterno.



SECUNDUM CERTAMEN INSTITUENT  
CLERICUS PHILIPPUS BRENNA

R O M A N V S.

CLERIC. ANTONIUS CLAUDIUS RE

R O M A N V S.

CALUMNIA SECUNDA.

*Quibusdam criminibus, nempe Apo-  
stasia, Homicidio, & adulterio,  
nunquam fuit per aliquot sæ-  
cula data venia.*

DD. I.



Nonnulli iique magni  
nominis Scriptores (in-  
ter quos Jacobus Sir-  
mondus in hist. Pœni-  
tentie publicæ cap. 1.)  
tam severas fuisse primis duobus Ecclesiæ se-  
culis Pœnitentiæ publicæ leges tradiderunt,

C 4

ut



ut tribus criminibus, Idololatriæ videlicet, seu Apostasiæ, Mæchiæ, & homicidio, nulla prorsus venia daretur.

D.R. Ità profectò factum fuit.

DD. Ità profectò factum non fuit. Sed nè teramus inutili verborum concertatione tempus, proponam ego argumenta, quæ suadent sententiam meam, auditurus postea ex te, quæ tuam, ut videris credere, persuadent. Igitur nulli unquam flagitio negatam ab Ecclesia penitus veniam, constantissimè assero cum Morino lib. 9. de Pœnit. cap. 20. Cabassutio ad Canones Concil. Eliberini, aliisque. *Ab Ecclesia* inquam. Quidquid in contrarium faciendum senserit aliqua particularis Ecclesia, & fecerit, contra reliquarum Ecclesiarum, & præsertim Romanæ consuetudinem.

2. Ad id autem asserendum movet Auctoritas Apostolorum, Pontificum, Conciliorum, omniumque Doctorum. Communis enim persuasio est, excommunicacionem esse omnium pœnarum, quas Ecclesia unquam inflixit, aut etiam infligere potest maximam. Non esset autem maxima, si Ecclesia abscidisset unquam in perpetuum,  
aut



aut posset sic abscindere, quod non facit per excommunicationem, utpotè pœnam medicinalem, quæ resipiscenti remittitur.

3 Puniunt quidem Apostolorum Canones, desertores fidei excommunicatione, & si Clerici sint, depositione, nunquam verò tam ferali perpetuæ abscissionis supplicio. Quin Canon. 51. jubentur Episcopi, Presbyterique Pœnitentes recipere, & quidem omnes, nullus enim excipitur; Et qui eos abjiciunt, de suo gradu dejiciuntur. In iis autem Constitutionibus, quas Clemens collegit, nihil frequentius iidem Apostoli Sacerdotibus inculcant, quam ut peccatores (nullo eorum unquam excepto) amanter excipiant, errantesque oves ad Christi caulas reducant, & cap. 18. lib. 2. *recipi mandant, quos Deus recipit*. Est autem fide certum, à Deo nulli ritè dolenti veniam negari.

D. R. Quinimò hoc incertissimum est, aut etiam oppositum certum est ex Christo Domino, ex D. Paulo, & ex Joanne. Christus enim Matth. 12. & Marci 3. docet blasphemiam, seu peccatum in Spiritum Sanctum, nec remittendum in hoc sæculo, neque in futuro. Paulus autem ad Hebr. 6.,  
 sic

fic habet: *Impossibile est eos, qui semel sunt illuminati, gustaverunt etiam donum cœleste, & prolapsi sunt, iterum renovari ad pœnitentiam.* Joannes tandem epist. 1. cap. 5. *Est peccatum (inquit) ad mortem: non pro illo dico, ut oret quis.* Est igitur aliquod peccatum, irremissibile in hac providentia, pro cujus proindè remissione non est orandum; ergo tuum argumentum petatum ex eo, quod Deus remittit omnia peccata, nullum est. Et si reliqua sunt hujusmodi, non est cur ea afferas.

DD. 4. Resp. hujusmodi objectionibus meum argumentum roborari, non enervari. Est enim veritas Catholica, omne peccatum, quod unquam ab homine fiet, posse per pœnitentiam remitti. Colligitur autem manifestè ex Scriptura, invitante omnes peccatores in universum ad pœnitentiam. Undè in Cap. *firmitèr de summa Trin.* universalitèr docemur, quod si post susceptionem Baptismi, quisquam prolapsus fuerit in peccatum, per veram potest semper pœnitentiam reparari, quod idem supponitur in Trid. sess. 6. cap. 14. & can. 29. & 30. Videri potest, Bellar. lib. 2. de gr. & lib. arb. cap. 5.

cap. 5. & lib. 2. de penit. cap. 15. Suar. de penit. disp. 8. sect. 1. De Lugo de penitent. disput. 8. sect. 1. aliisque, qui allatos text. optimè explicant, & manibus omnium tērentur, adeoque videri ab omnibus possunt.

5. Redeo igitur ad argumentum, unde me divertisti, petitum ex autoritate Apostolorum, qui quod verbis docuerunt, factis confirmarunt, nam Paulus 2. ad Cor. incestuosum hominem, utique Mēcho deteriore, post non longam pro conditione criminis, ac eorum temporum, Pœnitentiam, absolvi præcepit. Joannes autem Evangelista, ut refert Clemens Alexandrinus apud Euseb. cap. 17. lib. 1. Hist. Eccl. juvenem quendam à se ante aliquot annos salutari lavacro tinctum, sed postea factum latronum, grassatorumque caput, & principem, ipse quamvis senex, quæsiuit in sylvis, inventumque ad Christum per blandissima ea verba revocavit, *Ne formides fili, adhuc tibi salutis spes reliqua est*, modo facti pœniteat.

6. Per eadem incessisse vestigia Patres, qui Apostolis succedere, testatur Concilium Nicænum, dum Can. 12. mandat observari  
regu-

*regulam antiquæ legis , ut videlicet , si forte  
 quis recedat a corpore , necessario vitæ suæ via-  
 tico non defraudetur . Vult ergo , omnes , in  
 morte saltem , absolvi , idque à temporibus  
 Apostolorum factum fuisse satis innuit ,  
 quam enim aliam Nicæni Patres vocare po-  
 tuerunt regulam antiquam , quàm regulam  
 Apostolorum ? Non igitur cum ullo gene-  
 re Penitentium sese unquam vetus Ecclesia  
 exhibuit implacabilem . Volentibus autem  
 quibusdam aliam post Nicænum Concilium  
 praxim statuere obstitit Celestinus Primus ,  
 qui ep. 2. cap. 2. Episcopos quosdam nimis ri-  
 gidos sic redarguit . Agnovimus pœnitentiam  
 morientibus denegari . Horremus tantæ impie-  
 tatis hominem reperiri . Quid hoc , rogo , aliud  
 est , quam morienti mortem addere , ejusque ani-  
 mam sua crudelitate , ne absolvi possit , occidere .  
 Cum Deus ad subveniendum sit paratissimus  
 &c. Cum autem crudelem , & impiam un-  
 quam fuisse veterem Ecclesiam asserere ne-  
 fas sit , illud proculdubio asserendum est nulli  
 unquam , vel maximo crimini , veniam ab  
 ea fuisse penitus denegatam . Quod à Tri-  
 dentinis Patribus disertissimè confirmatur .  
 Capite enim 7. sess. 14. agentes de casuum*

re-

reservatione sic habent . *Veruntamen pie admodum, ne hac ipsa occasione aliquis pereat, in eadem Ecclesia Dei custoditum SEMPER fuit, ut nulla sit reservatio in articulo mortis , atque aded omnes Sacerdotes , quoslibet Pœnitentes à quibusvis peccatis, & censuris absolvere possint.* Si custoditum id semper fuit in Ecclesia Dei, jam falsum est, tribus prioribus sæculis, Ecclesiam Apostatis , Homicidis , & Adulteris veniam abnegasse . Hæc satis probant id, quod probare constitueram . Volo tamen , Auditores ornatissimi , ut suspendatis iudicium , donec Adversarius ea multa , quæ putat se habere rationum momenta , vobis expendenda proponat .

D. R. 7. Habebam certè , sed mente exciderunt . Hoc recordor , à Tertulliano libro de Pudicitia cap. 5. Zephirinum Papam redargui , quòd , cum homicidas nunquam absolveret , Mæchos tamen reconciliaret ; ergo tempore Tertulliani in Ecclesia Africana neutri absolvebantur , in Romana solus adulter , non autem homicida , & multò minus Apostata : quam praxim , aut aliam ea rigidiorẽ Hispanis Patribus sequenti sæculo , nempè tertio , placuisset

se Eliberitani Canones demonstrant.

DD. 8. Resp. Tertullianum falsa circa Romanæ Ecclesiæ praxim opinione deceptum fuisse, ut fusè probat Morinus lib. 9. cap. 20. Ea verò fortassè fuit erroris occasio, quod Ecclesia Romana severiùs ageret cum Homicidis, quam cum Adulteris, hosque longè citiùs absolveret, quam illos, quos perindè putavit, venia nulla, quia valdè fera, donatos. Quod autem attinet ad Aphricanam Ecclesiam, fateor, ab ea per aliquot sæcula, nec Apostatas, nec Adulteros, nec homicidas fuisse reconciliatos, ut refert Cyprianus in epist. 52. ad Antonianum. *Et quidem (inquit) apud Antecessores nostros quidam de Episcopis isthic in Provincia nostra dandam pacem Mechis, non putaverunt, & in totum Pœnitentiæ locum, contrà adulteria clausurunt.* Sed hæc universæ Ecclesiæ praxis non fuit, aut Romanæ, sed Aphricanorum quorundam Præfulum, qui non semel nimio rigore peccarunt, suamque scabiem fortassè Eliberinis Patribus affricuerunt, de quibus ità Baronius scribit ad an. 57. *Austeriori quodam spiritu iidem, qui in eandem Synodum convenere, Patres San-*

*Sanctissimi propemodum visi sunt Novatiano-  
rum limites attigisse . Eandem ipsis notam ,  
inurit , aut notæ suspicionem eruditissimus  
Dionysius Petavius in suis ad Epiphanium  
notis : quamvis utrique postea eos excusare  
conati sint , ille quidem ad an. 305. hic verò  
in suis ad Synesium notis , quod etiam facit  
Cabassutius in parva notitia Conciliorum  
cap. 7. Cum verò nihil supersit aliud , quod  
contrà nos afferatur , certum , firmumque sit ,  
decipi eos , & Calumniari , qui asserunt , à  
veteri Ecclesia tribus illis criminibus  
initio recensitis fuisse veniam  
in perpetuum ne-  
gatam .*



TER-



TERTIUM CERTAMEN INSTITUENT  
IIDEM QUI PRIMUM.

## CALUMNIA TERTIA.

*Iis qui studiosè distulerant ad extremum vitæ pœnitentiam, negata penitus absolutio fuit.*

DD. I.



Orinus de Administrat.  
Sacram. Pœnit. lib. 10.  
cap. 1. Gaspar Ivenin. in  
Comment. Historico,  
& Dogmat. de Sacram.

Edmundus Martene de antiquis Ecclesiæ  
Ritibus cap. 6. art. 2. alique docent, tribus  
circitèr prioribus sæculis negatam ab Eccle-  
sia fuisse absolutionem in morte iis omni-  
bus, qui post pessimam vitam, ad mortem  
usque pœnitere distulerant. *Tanta fuit* ( in-  
quit in loco citato Morinus ) *eo tempore*  
*clementissimorum Patrum severitas*, melius  
di-



dixisset *clementissimorum Patrum inclementia*. Id autem tam certum esse autumant, ut nequeat ullo modo negari. Sua igitur proferant argumenta, ut, si ineluctabilia sint, manus demus. Quid rogo habetis tam forte tam validum?

D. R. 2. Habemus multa. Habemus primò clarissimum Cypriani suffragium, scribentis nomine aliorum quoque Episcoporum ad Antonianum. Idcirco frater carissime, *Pœnitentiam non agentes, nec dolorem delictorum suorum toto corde, & manifesta lamentationis suæ professione testantes, prohibendos omnino, censuimus à spe communicationis, & pacis, si in infirmitate, atque in periculo cœperint deprecari, quia rogare illos non delicti pœnitentia, sed mortis urgentis admonitio compellit, nec dignus est in morte recipere solatium, qui se non cogitavit esse moriturum.* Quid clariùs dici poterat?

DD. 3. Esto ità senserint aliquot Præsules Aphricani, non indè sequitur, hunc fuisse Ecclesiæ sensum.

D. R. Hunc fuisse demonstrat is ultimus Canon Arelatensis primi Concilii: *De his, qui apostatant, & nunquam se ad Ec-*

D

cle-

*clesiam representant, nec quidem pœnitentiam agere petunt, & postea infirmitate correpti, petunt Communionem, placuit eis non dandam Communionem, nisi revaluerint, & egerint fructus dignos Pœnitentiæ. Hic autem negari cum communione etiam absolutionem, constat ex usu illorum temporum. Cum autem in hanc Synodum ex tota ferè occidentali Ecclesia, convenerint Patres, nempe ex universa Gallia, Italia, Hispania, Africa, ipsaque Anglia, & Sicilia, ut ostendit Baron. ad ann. 314., cumque ei præsuerint Sylvestri Papæ legati, ad quem etiam missos fuisse Concilii Canones, idem testatur, sequitur manifestè, hunc fuisse universæ, ipsiusque Romanæ Ecclesiæ sensum.*

DD. 5. Manifestam hanc consecutionem nego, primò quia certum non est, consuevisse veterem Ecclesiam non absolvere quos communione privabat, quin oppositum fuisse ab ea factitatum, pluribus suo loco probabo. Nec solus hanc sententiam tueor, satis sit nunc afferre Gabassutum, qui agens de hac ipsa pœna sublata etiam in morte communionis tam frequentè ab Eliberinis Patribus inflicta, sic habet in sua  
par-

parva notitia Concil. *Illa Communionis in ipso exitu vitæ statuta privatio nullatenus reconciliationis, seu absolutionis, sed Eucharistiæ Sacramentum adimit.* Rationes autem quibus hanc suam interpretationem firmat, omnes, quotquot affert, probant, hunc etiam Arelatensis Concilii Canonem de sola Eucharistiæ privatione, non autem de privatione veniæ esse intelligendum, ut eum legenti, expendentique ea, quæ mox dicentur, patebit. Secundò refert quidem Baronius, missos ad Sylvestrum Pontificem huius Concilii Canones, ab eo autem confirmatos fuisse non refert; nec si referret labantem animum confirmaret, cum in Epistola scripta ab eadem Synodo ad Sylvestrum, pro confirmatione Canonum, qui in eadem recitantur, præcitatus Canon non reperitur, sed alter oppositus, in quo sine ulla exceptione absolvi jubentur ij, qui sunt in mortis periculo constituti, nempe is. *De his, qui in infirmitate sunt constituti, & recedere volunt, placuit eis manus imponi.* Norunt autem omnes, idem esse in hac materia, de qua agimus, manus imponere, ac absolvere: communio autem iisdem non.

conceditur, quia eorum aliqui lapsi erant in culpas, quæ ( ut eorum temporum, aut aliquarum Ecclesiarum disciplina ferebat ) perpetua Communionis privatione plectebantur, quò confirmatur, quod dicebam, videlicet non semper negatam fuisse veniam iis, quibus fuit negata communio. Demum idem Baron. ad ann. cit. num. 52. vehementer suspicatur prædictum Concilium Arelatense fuisse à Donatistis depravatum. Igitur nihil certi ex eo depromi potest.

● D.R.6. Ut ut in aliquibus hujus Concilii autoritas summa non sit, nemo tamen fraudem in prædicti Canonis additione, vel depravatione contigisse suspicatus unquam fuit, nec suspicari permittit Innocentius Papa Primus, qui in ea Epist. quam ad Exuperium Tolosanum Episcopum scribit, jubet quidem, omnes quamvis serò, & solùm in morte Pœnitentes absolvi; monet tamen alium fuisse veteris Ecclesiæ morem, nempe negandi hujusmodi Pœnitentibus etiam in morte reconciliationem, & communionem, & solùm concedendi ipsis pœnitentiam, nempe jus, ut si convalescerent, possent agere in Ecclesia cum reliquis Pœnitentibus

pu-

publicam pœnitentiam, eaque peractâ tandem reconciliari. Hoc autem jus tradebat hujusmodi ægris Sacerdos adscribendo eos in numerum Pœnitentium, superponendo ipsis in lecto decumbentibus cilicium, easque interea super ipsos preces recitando, quæ die cinerum super Pœnites recitari consueverant, non autem eos absolvendo. Prædicti Pontificis verba sunt hæc. *Et hoc quæsitum est, quid de his observare oporteat, qui post Baptismum omni tempore incontinentiæ, & voluptatibus dediti in extremo fine vitæ suæ pœnitentiam simul, & reconciliationem communionis exposcunt. De his observatio prior durior, posterior, interveniente misericordia, inclinatio est. Nam consuetudo prior tenuit, ut concederetur eis pœnitentia, sed communio negaretur. Nam cum illis temporibus crebræ persecutiones essent, ne communionis concessæ facilitas homines, de reconciliatione securos non revocaret à lapsu, negata meritis communio est, concessa pœnitentia, ne totum penitus negaretur, & durio remissionem facit temporis ratio. Sed postquam Dominus noviter pacem Ecclesiis suis reddidit, jam depulso terrore communionem dari abeuntibus placuit,*

D. 3

&amp; pro-

Et propter Domini misericordiam, quasi Viaticum profecturis, ne Novatiani Hæretici negantis veniam asperitatem, & duritiam subsequi videamur. Tribuatur ergo cum Pœnitentia extrema communio, ut homines ejusmodi, vel in supremis suis, permittente Salvatore nostro, à perpetuo exitio vindicentur. Refert igitur Innocentius, hunc fuisse morem priorum temporum negandi prædictis, etiam in morte, veniam, & communionem, quem morem ipse tollit præcipiens, ut omnes reconcilientur, ex ratione ibi allata.

DD. 7. Resp. ex citato textu, corrumpere Canonem Arelatensis Concilii, nec probari ab Adversario, quod intenditur. Refert Innocentius, solum tempore persecutionum consuevisse Ecclesiam negare nimis serò Pœnitentibus communionem, & reconciliationem, ergò non fuit ea negata à Concilio Arelatensi, vel si negata fuit, non fuit ille Canon approbatus, aut usu receptus, quandoquidem illud Concilium celebratum fuit post pacem Ecclesiæ redditam à Constantino, qui eidem Concilio interfuit, nempe anno 314.

8. Non probatur autem eo textu, quod in-

intenditur ab Adversario, imò reprobatur, nam asserit Innocentius fuisse olim negatam quidem Communionem serò Pœnitentibus, concessam verò pœnitentiam, quò nomine deberi intelligi veniam, & absolutionem, probo sic contrà Morinum. 1. quia licèt sani, qui petebant pœnitentiam, non peterent illicò reconciliari, sed adscribi numero Pœnitentium, & sibi imponi satisfactionem exhibendam, ut postea reconciliarentur; infirmi tamen, & mox morituri dum petebant pœnitentiam, petebant reconciliari statim, cum scirent instare mortem. Dum ergo dicitur illis concessa pœnitentia, significatur concessam eis fuisse absolutionem, & veniam. 2. Cœlestinus in ea Epistola, quam cap. superiori laudavimus, dum ait *Agnovimus pœnitentiam morientibus denegari*, nomine pœnitentiæ significavit absolutionem, non enim Episcopi illi negabant eam ceremoniam adscribendi morientes inter Pœnitentes, sed absolutionem negabant, quam Pontifex dari mandavit. Ergo dum Innocentius asserit concessam fuisse Pœnitentiam, absolutionem fuisse concessam affirmat. 3. In libris Ri-



tualibus veteris Ecclesiæ, in quibus habemus descriptam ceremoniam dandi pœnitentiam Infirmis, datur eisdem per eandem cœremoniam absolutio, ut videre est in iis, quos idem Morinus congeffit in calce sui operis de Pœnit., & cap. 11. lib. 8. num. 6. ubi affert hæc verba libri pœnitentialis Ecberti Cantuariensis Archiepiscopi, quem librum idem vocat ibi antiquissimum. *Omni tempore quando ad ægrotum veneris data pœnitentia statim reconcilia eum, ita dicendo, Majestatem tuam Domine suppliciter deprecamur &c. Misereatur tui &c.* Ergo hoc erat dare Pœnitentiam Infirmo, nempè ipsum absolvere per dictam ceremoniam, qua cilicium ipsi decumbenti superponebatur, imponebantur ei manus, recitabantur preces absolutoriæ &c. Scio hos libros esse posteriores primis Ecclesiæ sæculis, monet tamen Morinus ipse lib. 4. cap. 18. n. 1. in eis contineri veteris Ecclesiæ mores, & ritus. Et sanè quidnam faciebat Sacerdos pœnitentiam concedens infirmo, si eum non absolvebat?

D. R. 9. Recitabat eas preces super infirmum, eaque præstabat, quæ fieri solebant, cum in die Cinerum Pœnitentes ad pœnitentiam

tentiam publicam admittebantur , ut dictum est .

DD. 10. Non recuso interpretationem, sed infero, ergo Infirmus absolvebatur, cum ( ut Calumnia 11. probabo ) aut prædictæ ceremoniæ contingerent veram absolutionem , aut Ecclesia vetus nunquam absolverit ; cùm enim absolvit , nihil amplius præstitit , quod absolutioni conducere , quam cum per prædictas ceremonias pœnitentiam dare consuevit .

D. R. 11. His Innocentii verba repugnant , ait enim duriorum fuisse priorem , & antiquam observationem solam pœnitentiam prædictis Infirmis concedendi ; quod falsum esset , si ipsis post pessimam vitam , & solo mortis terrore pœnitere coactis venia concessa foret . Rursus iisdem pœnitentiam ipse , & communionem concedit ; ne Novatianos veniam negantes imitari videretur . Ergo nisi concessisset communionem , & morem antiquum observari iussisset , visus fuisset negare veniam , ut Novatiani faciebant , ergo is erat mos antiquus , nempe veniam , & absolutionem negandi . Et confirmatur , nam controversia inter

Ca-

Catholicos, & Novatianos erat de negatione veniæ, seu absolutionis, non de negatione communionis, ergò mos antiquus si videbatur Novatianismus (quamvis non esset) negabat veniam, & absolutionem prædictis infirmis ex solo mortis metu pœnitentibus, non verò solam communionem. Deinde vocat eam communionem, *reconciliationem*, ergò Veteres privantes commune prædictos infirmos, reconciliatione eos, & absolutione privabant. Et confirmatur. Nam prior illa durior observatio negandi his Pœnitentibus communionem fuit inducta, ne Fideles de obtinenda postea reconciliatione securi faciliùs laberentur, & Christum in tormentis abnegarent, ergò privati Communione non reconciliabantur, alioquin ille mos à lapsu, & Apostasia eos non revocasset. Tandem permittit ipse communionem, ut homines *in supremis suis à perpetuo exitio vindicentur* ergò qui ea communionem privabantur faciliè perpetuum exitium incurrebant, ergò non absolvebantur, si enim fuissent absoluti, tam securi salutis fuissent, quam postea futuri erant concessa ipsis communionem.

DD.

**DD. 12.** Valida argumenta sunt hæc; aut esse videntur, sed longè validiora sunt illa, quæ suadent à vetusta Ecclesia nunquam fuisse prædictis infirmis negatam veniam, adeoque Innocentii verba esse aliter interpretanda.

**D.R.** Et quæ nam sunt isthæc tam fortia, tam incluctabilia argumenta, ut prædictis Innocentii verbis aliisque Patrum testimoniis validiora sint?

**DD. 13.** Afferam, & modò sis æquus Judex, non repugnabis. Et primò omnium Theologorum totiusque Ecclesiæ sensus is est, & certa persuasio, non posse licitè Sacerdotem à moribundo verè poenitente, quamvis scelestissimo, rogatum negare ei absolutionem, & si negaret, haberetur ab omnibus tanquam inhumanus, ergò non potuit Ecclesia, ut id fieret, suo decreto sancire.

14. Secundò, hæc etiam est omnium Theologorum, totiusque Ecclesiæ doctrina, nempe obligari omnes Fideles, saltem in articulo mortis, sumere Sacramentum poenitentiae, adeoque ipsum petere: hoc autem esset falsum; nemo enim tenetur ponere medium

medium inutile, adeoque petere à Sacerdote, quod is non est concessurus, nec potest licitè concedere; Sacerdos autem veteris Ecclesiæ, si (ut fertur) prædictos nimis serò pœnitentes absolvere prohibebatur, eos non poterat licitè, imò nec validè absolvere, ergò nec ipsi absolutionem petere tenebantur.

15. Tertiò; Ex mente ipsius Cypriani, non licebat absolutionem denegare morientibus, quamvis scelestissimi fuissent, si non studiosè distulerant pœnitentiam; sic enim habet in Ep. 54. ad Cornelium Pontificem, loquens de prædictis, qui in mortis periculo veniam petebant. *Nec enim fas erat, aut permittebat paterna pietas, & Divina Clementia Ecclesiam pulsantibus claudi, & dolentibus, & deprecantibus spei salutaris subsidium denegari, ut de sæculo decedentes sine communione, aut pace Domini dimitterentur.* Et paulò post: *Quod si de Collegis aliquis extiterit, qui urgente certamine pacem fratribus, & sororibus non putet dandam, reddet ille rationem in die Judicii Domino, vel importunæ censuræ, vel inhumanæ duritiei suæ.* Igitur ex Cypriano est importunus, & inhumanus censor, peccatque contrà paternam pietatem

tatem, qui infirmo, quamvis antea fuerit  
 scelestissimus, veniam negat, si non distulit  
 in mortem poenitere, ergo hujusmodi etiam  
 est, nempè inhumanus, & impius, si ve-  
 niam neget infirmo, qui distulit poenitere.  
 Scio, hunc magis deliquisse per eam studio-  
 sam dilationem, sed etiam qui à Fide desc-  
 vit, qui Deo maledixit, qui malo Dæmoni  
 Sacrificium per plures annos obtulit, certè  
 magis peccavit, quam is, qui illicitis volu-  
 ptatibus detentus ad mortem distulit poeni-  
 tentiam. Atqui qui primo non differenti  
 Pœnitentiam veniam negat, est Cypriano  
 inhumanitèr durus, & impius, ergo erit hu-  
 jusmodi, qui veniam alteri, ob eam poeni-  
 tentiæ dilationem non impertitur.

D.R. 16. Est lata disparitas, nam poe-  
 nitens tam serò, & solùm ex metu mortis,  
 præsumitur non verè dolere, ut idem Cy-  
 prianus in Ep. ad Antonianum asserit, *quia*  
*rogare illos non delicti pœnitentia, sed mortis*  
*urgentis admonitio compellit*, secus autem,  
 qui ante mortem veniam petit. Præterea  
 Cyprianus in hac alia Ep. 54. ad Cornelium  
 loquitur de Fidelibus, qui sæviante Decii  
 persecutione erant à Satellitibus iterum ca-  
 pien-

piendi, & torquendi, ut ergò alacriores ad novam pugnam profilirent post primam, in qua victi fuerant, erant de primo lapsu absolvendi, quæ ratio tam serò pœnitentibus succurrendum esse non probat.

DD. 17. Respondeo primam rationem afferri non posse, si enim qui solum in morte absolvi petunt, non verè dolent de peccatis; jam non debuit Ecclesia post primam illa tria sæcula præcipere ut absoluerentur; hoc autem fuisse præceptum, & quidem Sanctissimè, concedunt omnes: ergò si ex eadem falsi doloris persuasionem in eum rigorem, perductus fuit Cyprianus, falsa ipse persuasionem deceptus est. Altera autem ratio retorquetur in Cyprianum. Ut lapsi in prima pugna Fideles alacriores novum bellum cum Decii satellitibus inirent, absolvi debuerunt; ergò ut lapsi antea per totam vitam male traductam, non laberentur iterum in morte, nempè in ea terribili pugna, quam Infernus Draco *habens iram magnam* eo tempore instaurat, debuerunt absolvi; ergò si lapsis, de quibus loquitur Cyprianus, est venia danda, eamque abnegans est inhumanus, venia quoque serò Pœnitentibus

agris



ægris danda fuit, eamque dare renuens debuit inhumanus haberi. Id si quis neget autoritate Cœlestini Pontificis, affirmare cogetur.

18. Hoc erit quartum argumentum. Is enim Pontifex cum rescisset in Galliis hujusmodi ægris, qui tandiū pœnitere distulerant (de his enim eum loqui fatetur Martene, quem initio citavimus) veniam in morte negari, sic Ep. 2. cap. 2. ad Episcopos Gallicanos scribit. *Agnovimus, pœnitentiam morientibus denegari, nec eorum desideriis annui, qui obitus sui tempore hoc animæ suæ cupiunt remedio subveniri. Horremus fateor, tantæ impietatis aliquem reperiri, ut de Dei pietate desperet, quasi non possit ad se quovis tempore concurrenti succurrere, & periclitantem sub onere peccatorum hominem, pondere, quo se expediri desiderat, liberare. Quid hoc, rogo, aliud est quam morienti mortem addere, ejusque animam sua crudelitate, ne absolvi possit, occidere? Cum Deus ad subveniendum sit paratissimus, & invitans ad pœnitentiam sic promittat peccatori, inquit. Quacumque die conversus fuerit, peccata ejus non imputabuntur ei, & iterum, nolo mortem peccatoris, sed*

*sed tantum convertatur, & vivat. Salutem ergo homini adimit quisquis mortis tempore pœnitentiam denegaverit, & desperat de Clementia Dei, qui eum ad subveniendum morienti sufficere, vel in momento posse non credit. Perdidisset latro in Cruce præmium ad Christi dexteram pendens, si illum unius horæ pœnitentia non juvisset. Vera ergo ad Deum conversio in ultimis positorum, mente potiùs est æstimanda, quam tempore, Propheta hoc talitèr asserente. Cum conversus ingemueris, tunc salvus eris. Cum ergo Dominus sit cordis inspector, quovis tempore non est deneganda pœnitentia postulanti &c. Igitur ex Cælestino, committit horribilem impietatem, & crudelitatem, ipsasque animas perimit, qui ægros prædictos tam serò pœnitentes non absolvit. Atqui Ecclesia nunquam potuit præcipere, aut probare morem horribiliter impium, & crudelem, quo animæ mors æterna inferatur; ergo Ecclesia nunquam probavit, aut probare potuit, nè dum præcipere, ut venia sic differentibus pœnitentiam negaretur.*

D. R. 19. Cælestinus non redarguit factum sed causam facti, nempe errorem prædictorum Episcoporum, qui putabant, a Deo  
non

non remitti prædictum peccatum nimiae dilationis, desperabantque de Divina Clementia, & propterea veniam negabant, ut patet ex citatis verbis, hinc totus est in probando, Deum remittere quodvis peccatum, & quovis tempore.

DD. 20. Imò factum redarguitur à Pontifice, nam solum factum ipsi relatum fuerat. Sic enim redarguere coepit. *Agnovimus Pœnitentiam morientibus denegari, nec eorum desideriis annui, qui obitus sui tempore hoc animæ suæ cupiunt remedio subveniri.* Ecce tota eorum quærela, qui prædictos Episcopos accusarant, in qua nihil de prædicto eorum errore in fide, & spe Divinae clementiæ, & rursus dum addit id esse ægrorum animas perimere per horribilem crudelitatem, utique factum damnat, præcisè ex damno illato ipsis animabus, & non ex eorum Sacerdotum errore. Quamvis quia hoc faciebant, aut fieri permittebant illi Episcopi ex aliquo errore, putantes non quidem Deum non posse condonare omne peccatum, aut non condonare de facto, cum pœnitens se disponit (is enim fuisset error intolerabilis, qui cadere non potuit in ejus-

E

modi

modi Episcopos ) fed non esse sufficientem ,  
 eam brevem dispositionem , & dolorem ,  
 quem prædicti ægri post vitam tam malè  
 traductam , & ex metu mortis concipiebant ,  
 idè Pontifex , ut radicitus nimium illum  
 rigorem evellat , ostendit Deum esse prom-  
 ptissimum ad ignoscendum , & satis esse ad  
 hanc veniam obtinendam , brevissimam pœ-  
 nitentiam , etiam in morte conceptam .

21 Et confirmatur alio decreto , nempe  
 Sancti Leonis Primi , qui epist. 89. ad Theo-  
 dorum Foro-Juliensem Episcopum , agens de  
 his ipsis , qui differunt ad ultimum vitæ ter-  
 minum pœnitentiam , sic habet . *His autem  
 qui in tempore necessitatis , & in periculi ur-  
 gentis instantia præsidium Pœnitentiæ , & mox  
 reconciliationis implorant , nec satisfactio in-  
 terdicenda est , nec reconciliatio deneganda ,  
 quia misericordiæ Dei , nec mœnsuras possumus  
 ponere , nec tempora definire , apud quem nullas  
 patitur veniæ moras conversio , dicente Spiritu  
 Dei per Prophetam . Cum conversus inge-  
 mueris , tunc salvus eris . Et alibi : Dic tu  
 iniquitates tuas , ut justificeris . Et iterum ,  
 Quia apud Dominum misericordia , & co-  
 piofa apud Deum redemptio . In dispensan-  
 dis*

dis itaque Dei donis, non debemus esse difficiles, nec accusantium se lacrymas, gemitusque negligere, cum ipsam pœnitentiam ex Dei credamus inspiratione conceptam, dicente Apostolo, ne fortè det illis Deus pœnitentiam, ut resipiscant à Diaboli laqueis, à quò capti tenentur ad ipsius voluntatem. In hoc Leonis responso notanda præsertim sunt aliqua, & primò ea verba, quia misericordiæ Dei, nec mensuras possumus ponere, nec tempora definire, quibus ostenditur, quod qui veniam negat his serò pœnitentibus, ponit eos terminos misericordiæ Dei, quos ipse Deus non posuit, quod sine temeritate fieri non potest; quare meritò asserit, non posse Ecclesiam hoc facere. Ergo Ecclesia, nunquam id fecit, alioquin erasset faciendo quod facere non poterat. Secundò, notanda sunt illa *in dispensandis Dei donis non debemus esse difficiles*. Ergo non debuit unquam negari absolutio moribundo, utcumque dolosè distulerit pœnitere. Quæ enim major difficultas in dispensandis Sacramentis esse potest ea, qua quis recusat eum absolvere, qui in ipso vitæ exitu, atque imminenti jam iudicii lumine suppliciter, &

cum lacrymis reconciliationem exposcit, ex qua pendet æterna salus, æternumque supplicium?

D. R. 22. Debuit in tempore pœnitere (responderent Cyprianus, aliique Patres Ecclesiæ vetustæ, qui seras hujusmodi lacrymas neglexere) sibi imputet Ecclesiæ difficultatem, & rigorem.

DD. Sed cur tam seras lacrymas non despicit Leo, monetque non esse despiciendas? *Non debemus*, inquit, *accusantium se lacrymas, gemitusque negligere*. Audiamus optimam rationem. *Quia credere debemus, pœnitentiam esse ex Dei inspiratione conceptam*. Credant rigidi Doctores horum pœnitentiam esse ex metu mortis, nempè, ut ipsi dicunt, ex amore proprio profectam, ego credam cum Leone, horum, aliorum, que pœnitentiam esse ex Dei inspiratione conceptam, & quoniam ita est credendum, semper asseram, ita veterem Ecclesiam, quæ errare non potuit, credidisse, nec unquam serò pœnitentibus veniam abnegasse. Quod autem dicebatur; *Debuit in tempore pœnitere, nec tandiù differre*, non satis benè dictum est. Jam enim nunquam absolvi pœnitens de-

deberet, debuit enim non peccare, & rursus nec is, qui suâ culpâ in gurgitem prolapsus est, & postea pœnitens facti cum lacrymis auxiliares manus exposcit, exaudiendus erit, quamvis extrahi facillimè possit; debuit enim se non præcipitare. Num culpa non careat tanta inclementia, & culpa carebit omni, eritque veteris Ecclesiæ præconium, quod Pœnites in culpam lapsos, jamque æterno exitio absorbendos, quamvis facillimè in tuto collocari possent, otiosa spectarit? An verò major corporum cura habenda est, quam animarum?

23. Sed redeundum est ad Leonem, siquidem post allegata verba hortatur Fideles *ne differant converti de die in diem, illiusque temporis angustias eligant, quo vix inveniat spatium, vel confessio Pœnitentis, vel reconciliatio Sacerdotis.* Statim verò subdit. *Verum ut dixi, etiam talium necessitati ita auxiliandum est, ut nec actio illis Pœnitentiæ, nec communionis gratia denegetur, si ea, etiam amisso vocis officio, per indicium integri sensus quærere comprobentur. Quod si aliqua ægritudine ita fuerint aggravati, ut quod paulò antè poscebant, sub præsentia Sacerdotis significare*



*non valeant, testimonia eis fidelium circumstantium prodesse debebunt, ut simul, & pœnitentiae, & reconciliationis beneficium consequantur.* Quis credat veterem Ecclesiam his ægris, veniam vocibus, & multò gemitu exposcentibus denegasse, quibus nec gementibus, nec loquentibus, sed solum indicantibus votum suum, veniam plenamque, communionis reconciliationem concedi vult Leo antiquorum Canonum retinentissimus, undè hîc statim jubet servari paternos Canones, in reconciliandis iis, qui fidem deferendo peccarant.

24. Hæc sanè sufficiant. Recolenda tamen sunt, ut veritas illustretur magis, ea duo, quæ Capite præcedenti attulimus, nempe Canon duodecimus Nicænus, quo Patres, non solum volunt, neminem in morte communionem privari, sed prætereà mandatum hoc vocant regulam antiquam. Ergo falsum est serò Pœnitentibus fuisse, antè Nicænum Concilium veniam in morte negatam. Alterum est, quod asserit Tridentinum, nempe semper custoditum in Ecclesia fuisse, ut quilibet in morte à quibuscvis censuris, & peccatis, posset absolvi;

ergo

ergo falsum est, aliquando ex ipsius Ecclesiæ Canone fuisse aliquibus in morte, eo quod serò eos pœniteret, veniam denegatam.

D. R. 25. Manus darem, sed adhuc negotium facessunt ea Innocentii verba non improbantis, imò approbantis rigorem antiquum, quem ibi supponit, Ecclesiæ praxim fuisse, negandi, non solum communionem, sed veniam iis, quos nimis serò suorum scelerum pœniteret, ut prædicta ejus verba significare quatuor argumentis validissime ostensum est ex Morino. Certè Innocentius nec errare potuit in eo, quod refert de ea veteri praxi, utpotè illis temporibus vicinus, nec in eo quod docet, approbando ipsam: vel si potuit errare Innocentius, errare potuit Cœlestinus, Leo, & si qui sunt alii Pontifices, qui prædictum veteris Ecclesiæ rigorem reprobare videntur.

DD. 26. Respondeo verba Innocentii posse sine ulla vi ita exponi, ut non significant, consuevisse veterem Ecclesiam negare omnem veniam serò Pœnitentibus, adeoque ex illis non constare, ab eo approbatum fuisse hujusmodi rigorem, quamvis dicat *cis meritò negatam fuisse communionem*. At è

contrà verba Cœlestini , & Leonis , ità clarè reprobant prædictum rigorem , ut de mente ipsorum dubitari non possit . Igitur iis omninò adhærendum est .

D. R. Hoc ipsum negatur , Innocentii verba non esse clarissima expendentibus , ut nos fecimus , totum Sancti Pontificis textum . Ex eo enim clarissimè habetur , veterem Ecclesiam , non solam communionem , sed veniam quoque prædictis ægris negasse .

DD. 27. Id etiam concedam , nego tamen omnem veniam negasse . Hoc ille textus non exprimit , cumque duplicis interpretationis sit capax , jam ità explicandus est , ut Cœlestino , Leoni , communi Theologorum , & Ecclesiæ sensui non adversetur . Duo igitur supponenda . Primum est , duplicem ab Ecclesia veteri concedi solitam peccatorum absolutionem , unam purè Sacramentalem per eos ritus , & preces , quas peragebat Sacerdos , cum aliquem in Pœnitentium numerum referebat , ut ostendere conabor , cum contrà undecimam Calumniam disputabo . Per hanc absolutionem reconciliabatur quidem Pœnitens cum Deo , sed non cum Ecclesia , cui per publicam

pœ.

pœnitentiam satisfaciendum prius erat, nec cum Altari, quare jus minimè dabat ad communionem. Altera venia, seu absolutio, quæ impletâ solùm pœnitentiâ dabatur, erat utriusque fori interni, externique: per eam quippè Pœnitens reconciliabatur iterùm, cum Deo, & postea cum Ecclesia, cui satisfactum erat & cum Altari, ad quod accedere poterat ut offerret, & cum cæteris de Sanctissima Eucharistia communicaret.

28. Supponendum secundo est, consuevisse Patres duo Fidelibus inculcare perpetuò, nempe virtutem pœnitentiæ, idest externarum corporis afflictationum, ad obtinendam à Deo remissionem plenam peccatorum, culpæ videlicet, & pœnæ. Et rursus virtutem maximam Eucharistiæ ad destruenda peccata. Nam Ignatius ep. 14. ad Ephes. vocat hoc Sacramentum *vitam in Deo concilians, medicamentum purgans vitia, & omnia pellens mala*. Cyprian. serm. de Cœna Domini, dicit, *eo extinguì peccatum, & obtineri veniam*. Ambros. lib. de Benedict. Patriarc. cap. 9. *Panis hic remissio peccatorum est, quod ipsum docet serm. 17. in Psalm. 118. & lib. 2. de Pœnit. cap. 3. Chry-*

foſt. hom. 83. in Matth. de eo loquens , *remiſſionem* ( inquit ) *peccatorum facit* . Similia habet Aug. cap. *cum omne crimen* de consecr. diſt. 2. & Cyrill. lib. 4. in Jo: cap. 14. utiturque exemplo Chriſti , qui tactu ſuo mortuos vivificabat .

29. His poſitis , cum poſt primam abſolutionem adhuc Pœnitentes , tanquam rei haberentur ab Eccleſia , cum qua nondum erant reconciliati , nec liberi adhuc eſſent à reatu pœnæ , utpotè non perfuncti pœnitentia , privarenturque Euchariſtiæ Sacramento , quo remitti peccata audiebant , illud fiebat , ut prima venia donati , vix abſolutos ſe crederent , aut non ſatis tutos , donec donarentur etiam ſecunda , quam propterea qui negabat præſertim moribundo , Novatianiſmum quendam præferebat , ut ait Innocentius , & alicui periculo exponebat ægrotum , privans ipſum ea ulteriori reconciliatione , & communione , ea ferè ratione , qua ſi nolim moribundo miniſtrare Sacramentum pœnitentiæ , alicui illum periculo expono , quamvis noverim , eum antea contritionis formulam etiam ex animo recitaſſe .

Video

Video tibi hæc non satis arridere, nec videri tibi satis luminis inde affulgere ad Innocentii textum declarandum, sed illa tecum perpende, argumenta, quibus probavimus non fuisse serò pœnitentes ab Ecclesia unquam rejectos, petita ab universo Theologorum, imò Ecclesiæ consensu, ex evidenti ratione, ex clarissimo Cœlestini, & Leonis responso, ex Canone Nicæno, & præsertim doctrina Tridentini esse ineluctabilia; adeoque aut asserendum, Innocentium in referenda, aut approbanda ea veteri consuetudine errasse, quod asseri non debet, aut ejus verba hac, vel simili ratione, qua ipsum explicuimus, esse interpretanda.



QUAR-



QUARTUM CERTAMEN INSTITUENT  
 IIDEM QUI SECUNDUM.  
 CALUMNIA QUARTA.

*Reis ad mortem damnatis olim  
 Ecclesia veniam negavit,  
 aut negari permisit.*

DD. I.



Orinus cap. 1. lib. 10.  
 probare contendens, ab  
 Ecclesia veteri nega-  
 tam fuisse veniam iis,  
 qui penitentiam ad ex-  
 tremum vitæ terminum differebant, ut  
 hanc praxim reddat minus mirabilem, &  
 minus odiosam alteram crudeliorem propo-  
 nit. Exposita igitur hac sua sententia, sub-  
 dit.



dit. *Ne verò hanc tantillam severitatem exhorrescas, id observatum est in Gallia ad annum 1396. in criminum reos morti condemnatos. Sacramentum pœnitentiæ illis denegabatur, & in hunc usque diem, Sacramentum Eucharistiæ illis denegatur. Quibus verbis videtur asserere, hanc etiam fuisse praxim, Ecclesiæ, quamvis postea ab eadem fuerit reprobata, ut aliæ multæ. Si enim hæc Ecclesiæ praxis nunquam fuit, sed aliquorum Principum excessus, jam per hanc non excusatur prior illa, quam excusare contendit. Igitur id etiam erit inter reliquas calumnias recensendum, & cum reliquis rejiciendum.*

D. R. 2. Fateberis tamen id fuisse sæpissimè fastitatum, nec ab Ecclesia per aliquot sæcula fuisse vetitum, sed potius permissum; & quidem factum persæpè id esse produnt historiæ. Referam ordine temporum aliquot exempla. Sub finem sæculi sexti Daco quidam, teste Gregorio Turo-nensi lib. 5. hist. cap. 26. cum vinctus tene-retur à Chilperico, & cerneret se non posse mortem evadere, à Presbytero (Rege ne-sciente) pœnitentiàm petiit. Cur Rege ne-scien-



sciente? nisi quia Rex, ut mos ferebat, mi-  
 nimè concessisset. Sæculo octavo Corbinia-  
 nus Frisigensis Episcopus cum Adálberti  
 cujusdam suspendio plectendi vitam à Judi-  
 ce obtinere non potuisset, curavit clan-  
 culum excipere ejus confessionem, ut scri-  
 bit Aribio in ejus vita cap. 2. Cur autem  
 clanculum? nisi quia permissus alioqui non  
 fuisset? Sæculo nono Patres Concilii Vor-  
 maticensis fuerunt à quibusdam interroga-  
 ti, an hujusmodi homines essent in morte  
 Sacramentis muniendi, & post mortem ob-  
 lationibus, & Missis juvandi, quod innuit,  
 consuevisse tunc neutrum fieri. Circa idem  
 tempus Dido Laudunensis Episcopus, reo  
 extremo supplicio plectendo, pœnitentiam  
 per confessionem petenti negavit, ut habet  
 Flodoardus lib. 4. hist. Rhemen. cap. 6. Sæ-  
 culo undecimo, Henricus Roberti Norman-  
 norum Ducis frater Conano cuidam, qui  
 Rotomagum Guillelmo Rufo prodere ten-  
 taverat, ad mortem damnato, & pro amo-  
 re Dei, confessionem sibi permitti exposcen-  
 ti denegavit, ut scribit Ordericus Vitalis  
 lib. 8. ad an. 1090. Sæculo duodecimo San-  
 cta Hildegundis assumpta veste virili, &  
 emen-

ementito nomine Joseph , pro latrone comprehensa , cum videret se jam fore damnandam , Sacerdotem rogavit , ut se confitentem audiret , & Sacramentum Eucharistiæ ministraret , quod ægre obtinuit , haud dubium , quia concedi non soleret . Sæculo decimotertio , nempe anno 1261. Bonifacius Cantuariensis Archiepiscopus in constitutionibus provincialibus editis in Concilio Lambetensi , ejusdem consuetudinis tunc in eo Regno communis , meminit , uti etiam Concilium Londinense , paulò post celebratum , nempe anno 1268. Sæculo decimoquarto perseverabat ea in Gallia , & vix est initio Sæculi decimifexti , penitus sublata .

3. Fuisse autem ab Ecclesia hunc usum approbatum , aut saltem permissum in justam delictorum vindictam , & ad cæteros à majoribus maleficiis absterrendos , probatur 1. ex tam frequentibus exemplis , tamque diuturna hujus praxis perseverantia . Ecclesia enim repugnante factum id tandiù non fuisset . Probatur 2. ex eo quod non ausus fuisset hunc morem approbare Robertus Pullus S.R.E. Cardinalis , ut fecit scribens in

in lib. 6. sentent. cap. 55. *Quod si* (inquit) *eum qui in confessione est reus, reum quoque Divina pandant judicia* (judicia enim Dei abyssus multa) *non videtur ad Sacerdotem pertinere ad hujusmodi accedere debere. Ex quo enim Dei judicio convictus, aut ipso in maleficio deprehensus Judici mundano traditur, Judicem pro Sacerdote habet, quoniam ipsi occulta scelerum pandere oportet, à quo pro ipsis pœnam recipiet. Nam si tales visitet Sacerdos pravorum flagitia roborantur spe confessionis, & Eucharistiæ, ita Pullus.*

DD. 4. Nec probatum id unquam ab Ecclesia fuit, nec permissum, ita ut non reclamarit, ut servato eodem sæculorum ordine demonstrabo. Prætereo Nicænæ Synodi, Cælestini Primi, & Leonis Primi Decreta superius allata de quibuslibet in morte absolvendis, uti etiam Canonem 13. Concilii Andegavensis, *ut Pœnitentiæ locus omnibus pateat, qui conversi errorem suum voluerint confiteri, quod ipsum statuit Concilium Epaunense* cujus est is Canon. 36. *nè ullus sinè remedio, aut spè veniæ ab Ecclesia repellatur, eaque sola afferam, quæ rem ipsam de qua agimus, speciatim tangunt.*

5. Et

5. Et primò Concilium Vormatiense, agens de iis, qui suspenduntur in patibulis c. 80. sic ratiocinatur. *Si omnibus de peccatis suis, puram Confessionem agentibus, & dignè Pœnitentibus communio in fine, secundum Canonicum jussu danda est, cur non etiam iis, qui pro suis peccatis pœnam extremam persolvunt? Scriptum est enim non vindicat Deus bis in idipsum: nam Dominus ait, in quocumque die conversus fuerit peccator, peccata ejus non reputabuntur ei &c.* Indè idem Concilium subdit eadem ipsissima verba Cælestini Primi in responsione ad calumniam præcedentem à nobis allegata, quod sanè ostendit eo Cælestini decreto præcipi, ut omnes omnino, qui in morte veniam petunt, quocumque tandem mortis genere decedant, & cujuscumque sint culpæ rei, absolvantur; atque hanc solam semper fuisse ab Ecclesia probatam praxim, nec aliam permissam. Concilio Vormatiensi concinit Triburiense, cap. 31. quod est *de furibus, & latronibus*. Idem enim statuit, suumque statutum prædicto canone Nicæno, decretisque Innocentii, & Cælestini, à nobis allegatis, aliisque hujus.

hujusmodi juribus confirmat ; ostenditque iterum , hanc semper fuisse Ecclesiæ persuasionem , per ea decreta , omnes omnino , qui in morte veniam petunt , & Communionem , comprehendi : *Verba* hujus Synodi sunt hæc : *Si fur vel latro vulneratus elabatur , & expectatione mortis desperatus putatur , atque reconciliari se Mysteriis Sacrosanctis habitu corporis , & voluntate piæ mentis deprecatur , Deoque , & Sacerdoti , comite , vita , emendationem morum , & actuum confitetur , Communionis gratiam non negamus tribuendam . In Nicæno namque Concilio , statutum legimus , si quis egreditur de corpore , ultimo , & necessario Viatico , minimè privetur . Item de ultima pœnitentia in Ep. Innoc. Papæ cap. 21. Tribuitur ergo cum pœnitentia estrema communio , ut homines hujusmodi , vel in supremis suis , permittente Salvatore Nostro , à perpetuo liberentur exitio . Item de eodem Carthaginensi 7. & Cælestini 15. ubi ait . Quid rogo , aliud est ultimam Pœnitentiam negare periclitanti , quam mortem addere morienti .*

Factum Didonis Laudunensis Episcopi  
damna-



damnavit Fulco Remensis Archiepiscopus ,  
 apud Flodoardum à te cit. Tam barbaram ,  
 consuetudinem improbarunt in Anglia ,  
 utrumque illud Concilium Lambetenſe , &  
 Londinenſe ſuperius laudatum , quin etiam  
 Regis ipſi Aluredus , & Eduardus , editis in  
 gratiam damnatorum confiteri volentium ,  
 Sanctiſſimis Lrgibus , quas confirmavit Ca-  
 nutus Rex , additis pœnis in Judices , qui  
 eas violarent . In Gallia verò Clemens Pa-  
 pa Quintus in Concilio Vienneniſi , conſtitu-  
 tionem edidit ad huiusmodi abuſum damna-  
 bilem abolendum , quæ habetur in lib. 5. Cle-  
 mentinarum tit. 9. cap. 1. eamque ut major  
 indè timor exiſteret in tranſgreſſores , edicto  
 ſuo obſervari omnino mandavit Carolus  
 Sextus .

Vicit tamen alicubi barbaries , reiſque  
 jam morituris fuit aliquando tam neceſſa-  
 rium juſtumq; ſolatiū negatum ; quia nun-  
 quam deſunt qui leges , nec audiunt cla-  
 mantes , nec reclamantes , eoſque audiunt  
 potius , qui falſis doctriſis , qualis fuit hac  
 ſuper re Roberti Pulli ſententia , legibus ob-  
 ſtrepunt , & contradicunt ; quod facere  
 nos

nos potissimum dedecet , qui in hoc primo  
 Urbis , & Orbis Seminario ad hunc alimur  
 finem , ut Ecclesiasticas leges , germa-  
 nas tamen , addiscamus , mori-  
 bus exprimamus , & sangui-  
 ne ipso , si opus fuerit ,  
 vindicemus .

*Contra reliquas Calumnias opportuno-  
 ri tempore disputabitur .*

